

স্ক্রাম মাস্টারের ৬ রূপ

স্ক্রাম মাস্টারের ভূমিকায় কীভাবে ৬টি রূপ প্রকাশ পায়, আর কেন আমি “সার্ভেন্ট লিডার” আর “ম্যানেজার”কে তার উপযুক্ত রূপ হিসেবে বিবেচনা করি না, সেই বিষয়ে এক পূর্ণাঙ্গ বিবরণ

সূচনা (FOREWORD)

২০১০ সালে আমি স্ক্রাম মাস্টার হিসেবে আমার প্রথম অ্যাসাইনমেন্ট শুরু করি। সেই মুহূর্ত থেকে আমি বিভিন্ন ব্লগ পোস্টের মাধ্যমে আমার স্ট্রাগল, সাফল্য এবং ব্যর্থতার কাহিনি তুলে ধরতে শুরু করি। বেশির ভাগই ছিল আমার ভূমিকার প্রতিফলনের মাধ্যমে নিজেকে সাহায্য করা, অন্যান্য স্ক্রাম অনুশীলনকারীদের কাছ থেকে প্রতিক্রিয়া পাওয়া এবং সেই মত নিজেকে পরিশীলিত করার উদ্দেশ্যে। কয়েক বছর বাদে আমার সেই সমস্ত ব্লগ পোস্ট একত্রিত করে প্রকাশিত হয়



“[দ্য ৮ স্ট্যান্ডেস অফ স্ক্রাম মাস্টার](#)” নামক হোয়াইট পেপার। এই পেপারটি ২০১৭ সালে প্রকাশিত হয়, এবং এর পেছনে বহু অভিজ্ঞ স্ক্রাম অনুশীলনকারীর অনুপ্রেরণা ছিল, যাঁদের মধ্যে বিশেষভাবে উল্লেখযোগ্য [Gunther Verheyen](#)।

সেই সময় থেকেই, আমার বক্তব্য এবং আশা এ রকম ছিল না যে, এই ৮টি রূপ সম্পূর্ণরূপে আয়ত্ত্ব করতে পারলে তবেই আপনি একজন সফল স্ক্রাম মাস্টার হয়ে উঠবেন। বরং, আমার মতে এগুলিকে ভালো করে জেনে রাখা উচিত। উদাহরণ হিসেবে, আমি সবসময়েই কোচ হিসেবে “মধ্যমানের”, কিন্তু ফেসিলিটেশনে দুর্দান্ত। সৌভাগ্যক্রমে, আমি এমন অনেক স্ক্রাম মাস্টারের সাথে কাজ করেছি যাঁরা অন্যান্য রূপে যথেষ্ট দক্ষ। ফলে, আমরা একসঙ্গে একত্রভাবে একটি সংস্থাকে স্ক্রামের মাধ্যমে কাজ করতে সাহায্য করতে পারি।

সেই পেপার প্রকাশ করার পর এই ক’ বছরে স্ক্রাম মাস্টার রোল সম্বন্ধে আমার জ্ঞান আরও উন্নত হয়েছে, পরিশীলিত হয়েছে, এবং বদলেছেও। যদিও নতুন ভাবনার সাথে তাল মিলিয়ে আমি আমার মূল পেপারকে কখনো বদলাই নি। আমি আমার নতুন আইডিয়াকে [Christian Verwijns](#)-এর

সাথে মিলে তৈরি করা Scrum.org [Professional Scrum Master II class](#)-এ অন্তর্ভুক্ত করেছি। মূল পেপারটি যে জনপ্রিয়তা পায়, তা আমার আশার অতীত ছিল। আজও, অনেক স্ক্রাম মাস্টার এটিকে একটি অবশ্যপাঠ্য দলিল হিসেবে বিবেচনা করেন।

আমি মূল পেপারটিকে নতুন করে আবার লিখতে চাই না। বরং, আমি এটিকে একটি সংযোজিত পেপার হিসেবে লিখছি। এই পেপারে আমি স্ক্রাম মাস্টার রোলটির একটি সারাংশ দিচ্ছি, এই রোলের ছটি রূপ কীভাবে প্রকাশ পায় তার বিবরণ দিচ্ছি, এবং কেন সার্ভেন্ট লিডার (Servant Leader) এবং ম্যানেজার (Manager) রূপ দুটি আর বৈধ রূপ বলে মনে করছি না, তার বিবরণও দিচ্ছি।

আশা রাখব যে এটি আপনাদের রোলটি আরও ভালোভাবে বুঝতে সাহায্য করবে, এবং আরও কার্যকরীভাবে এই রোলে কাজ করতে উদ্বুদ্ধ করবে। আপনার ভাবনা, প্রশ্ন, অথবা অভিজ্ঞতা খোলা মনে শেয়ার করুন। আসুন, আমরা একসাথে শিখি এবং অনুপ্রাণিত হই।

ব্যারি ওভারিম (Barry Overeem)

দ্য লিবারেটর্স (The Liberators)

অনুবাদক পরিচিতি (ABOUT THE TRANSLATOR)

আমি আইটি জগতের দীর্ঘ কর্মজীবন ট্র্যাডিশনাল ওয়াটারফল মেথডে চলার পর ২০১৬ সাল নাগাদ স্ক্রামের সন্ধান পাই। কিছু না জেনেই স্ক্রাম মাস্টার হয়ে গেছিলাম, সেই প্রথম শেখার শুরু, অচিরেই বুঝতে পেরেছিলাম এই সাধারণ ফ্রেমওয়ার্কটির কী অপরিসীম শক্তি। পরে ২০১৯ সাল নাগাদ কর্মসূত্রে আমি নেদারল্যান্ডসে যখন আসি, তখন বিভিন্ন প্রতিষ্ঠিত এবং খ্যাতিমান স্ক্রাম মাস্টার আর অ্যাজাইল কোচদের সংস্পর্শে আসি, এবং স্ক্রামের প্রতি আমার আগ্রহ, এক রকমের প্যাশন বা আবেগে পরিণত হয়।

অন্যান্য ভাষা, মূলত ইংরেজি এবং হিন্দির বিভিন্ন লেখা বাংলায় অনুবাদ করার আগ্রহ আমার দীর্ঘকাল ধরেই ছিল, ক্রমশ আমি Scrum.org-এর সহযোগিতায় [স্ক্রাম গাইড](#), [কানবান গাইড](#), [ইবিএম গাইড](#) এবং [নেক্রাস গাইড](#) বাংলায় অনুবাদ করি বৃহত্তর বাংলা ভাষাভাষী মানুষদের জন্য। এর পর আমি Gunther Verheyen-এর সহযোগিতায় তাঁর পেপার [স্ক্রাম ভ্যালুজ](#) এবং [স্ক্রাম গ্লসারি](#) অনুবাদ করি।

এই মুহুর্তে আমি নেদারল্যান্ডসে স্ক্রাম মাস্টার এবং অ্যাজাইল কোচ হিসেবে কর্মরত।

ব্যারি ওভারিম (Barry Overeem)-কে অসংখ্য ধন্যবাদ এই পেপারটি অনুবাদের কাজে আমাকে সম্মতি দেবার জন্য। আমি নিজে যখন PSM-II পরীক্ষার প্রস্তুতি নিচ্ছিলাম, তখন এই পেপারটির সম্বন্ধে জানতে পারি এবং এটি আমার স্ক্রাম মাস্টার হিসেবে লব্ধ জ্ঞানকে অনেকগুণ বাড়াতে সাহায্য করেছিল।

শমীক মুখার্জি (Samik Mukherjee)

স্ক্রাম মাস্টার (Scrum Master)

স্ক্রাম মাস্টারের ৬টি রূপ (THE 6 SCRUM MASTER STANCES)

[Johannes Schartau](#), [Christiaan Verwijs](#) এবং আমি আমাদের [স্ক্রাম পেপারে](#) বিবৃত করেছি, কীভাবে স্ক্রাম মাস্টার এম্পিরিকাল প্রসেস কন্ট্রোল (Empirical Process Control) এবং তার গুণবত্তার (Quality) দৃষ্টিকোণ থেকে স্ক্রাম টিম এবং তার পারিপার্শ্বিকে স্বচ্ছতা (Transparency), পর্যবেক্ষণ (Inspection) এবং অভিযোজনকে (Adaptation) রূপায়িত করতে সাহায্য করে। স্ক্রাম মাস্টার স্ক্রাম ফ্রেমওয়ার্কের উপাদানগুলিকে টিম এবং বৃহত্তর সংস্থার মধ্যে দিয়ে পরিষ্কৃত করে তোলার কাজ করে। এর জন্য, বিভিন্ন পরিস্থিতির সম্মুখীন হয়ে স্ক্রাম মাস্টারকে নানা রূপে কাজ করতে হয়: শিক্ষক (Teacher), ইমপেডিমেন্ট রিমুভার (Impediment Remover), কোচ (Coach), মেন্টর (Mentor), ফেসিলিটেটর (Facilitator), এবং চেঞ্জ এজেন্ট (Change Agent)।

তিন স্তরে কাজের মাধ্যমে স্ক্রাম মাস্টার এই রূপগুলিকে পরিষ্কৃত করে তোলে। প্রথম স্তরে আছে তার নিজের স্ক্রাম টিম, দ্বিতীয় স্তরে আছে অন্যান্য টিমের সাথে সম্পর্কস্থাপন, এবং তৃতীয় স্তরে থাকে পুরো সংস্থা (Organization)। সংস্থায় পরিবর্তন আনার জন্য এবং সমস্ত বাধা কার্যকরীভাবে দূর করার জন্য এই তিনটি স্তরে কাজ করা জরুরি। স্ক্রাম মাস্টার টিমের বাইরের লোকদের বুঝতে সাহায্য করে, স্ক্রাম টিমের সাথে তাদের কোন ধরনের সম্পর্ক টিমের পক্ষে সাহায্যকারী, এবং কোন ধরনের সম্পর্ক নয়। স্ক্রাম টিমের প্রস্তুত করা ভালুক সর্বাধিক করার উদ্দেশ্যে স্ক্রাম মাস্টার এই সম্পর্কগুলিকে পরিবর্তিত করতে সবাইকে সাহায্য করে।

সুতরাং, স্ক্রাম মাস্টার রোলটি একাধিক রূপ এবং বিশাল বৈচিত্র্যের এক সমাহার। একজন অভিজ্ঞ স্ক্রাম মাস্টার এই রূপগুলি সম্বন্ধে অবগত থাকেন এবং জানেন পরিস্থিতি, প্রসঙ্গ, দক্ষতা এবং জ্ঞানের ভিত্তিতে তাদের কোনটিকে কখন ব্যবহার করতে হয়। সবই করা হয় স্ক্রামের মূলমন্ত্র মানুষকে বোঝানোর জন্যে। এবার স্ক্রাম মাস্টারের এই ৬টি রূপের একটু গভীরে গিয়ে দেখা যাক।

শিক্ষকের রূপে স্ক্রাম মাস্টার (THE SCRUM MASTER AS A TEACHER)

একজন শিক্ষক হিসেবে, স্ক্রাম ফ্রেমওয়ার্ক, এবং কীভাবে এটি জটিল পরিবেশে কাজ করতে সাহায্য করে, স্ক্রাম মাস্টার সেগুলি ব্যাখ্যা করতে সাহায্য করে। স্ক্রাম মাস্টার স্ক্রাম ফ্রেমওয়ার্কের উদ্দেশ্যকে অভিজ্ঞতার মাধ্যমে কাজ করার সাধন হিসেবে শেখায় এবং ব্যাখ্যা করে। কীভাবে

স্ক্রামের ইভেন্ট (Events), আর্টিফ্যাক্ট (Artifacts), অ্যাকাউন্টেবিলিটি (Accountabilities) এবং প্রিন্সিপলসমূহ (Principles) এম্পিরিসিজম এবং অ্যাজিলিটির প্রসার ঘটায়, স্ক্রাম মাস্টার তা টিম, স্টেকহোল্ডার এবং সহায়ক সংস্থাগুলিকে (Supporting Organizations) বুঝতে সাহায্য করে। টিম যখন পথভ্রষ্ট হয়, তখন তাদের আবার অ্যাজাইল অনুশীলন এবং প্রিন্সিপলের পথে ফিরিয়ে আনতে এগুলি সাহায্য করে। স্ক্রাম মাস্টার তথ্য উপস্থাপন করার পরিবর্তে সরাসরি উপলব্ধির মাধ্যমে শিক্ষা দেয়। এর ফলে স্ক্রাম শেখার প্রক্রিয়াটি বেশ উত্তেজনাপূর্ণ অন্তর্দৃষ্টি হয়ে ওঠে, আর স্ক্রাম মাস্টার তা গাইড করে।

যদিও তোমার স্ক্রাম টিম এবং স্টেকহোল্ডারদের স্ক্রামের মেকানিক্স (অ্যাকাউন্টেবিলিটি, ইভেন্ট এবং আর্টিফ্যাক্টসমূহ) শেখানো কম গুরুত্বপূর্ণ নয়, তবে স্ক্রামের প্রকৃত উদ্দেশ্য শেখানো আরো বেশি গুরুত্বপূর্ণ। এর অন্তর্নিহিত প্রিন্সিপল এবং ভ্যালুগুলি কী কী? কীভাবে স্ক্রাম আমাদের জটিল পরিস্থিতির মধ্যে এগিয়ে যেতে সাহায্য করে? স্ক্রাম একটি ফ্রেমওয়ার্ক হিসেবে কীভাবে ঝুঁকি সামলায় এবং আরও দ্রুত ভ্যালু ডেলিভার করে? যখনই তুমি স্ক্রাম শেখাবে, তখনই স্ক্রামের পরিভাষা একেবারে ব্যবহার না করে এগুলি বোঝাবার চেষ্টা করবে। কখনও বলবে না – “কারণ স্ক্রাম গাইড তাই বলে...”। বরং স্ক্রামের উদ্দেশ্য কী এবং এর মাধ্যমে কী কী করা সম্ভব, সেগুলো শেখাও।

স্ক্রাম কেন?



(১) জটিল কাজের ক্ষেত্রে
জানার থেকে অজানা বেশি।



(২) দ্রুত এবং নিয়মিত
done increments রিলিজ করার
মাধ্যমে অজানাকে আবিষ্কার
করা যায়



(৩) ইনক্রিমেন্টগুলোর মাধ্যমে
আমরা আমাদের অনুমানগুলো
যাচাই করি।



(৪) আমরা বুঝতে শিখি কী
প্রয়োজনীয় এবং তার ফলে
অপ্রয়োজনীয় জিনিসে সময় ও
অর্থ ব্যয় করার ঝুঁকি এড়াই।



(৫) এর ফলে, আমরা
আমাদের স্টেকহোল্ডারদের
আরও বেশি ভ্যালু আরও দ্রুত
ডেলিভার করতে পারি।




Created by Thea Schukken for the Zombie Scrum Survival Guide
by Christiaan Verwijs, Johannes Schartau & Barry Overeem

zombiescrum.org

ইমপেডিমেন্ট রিমুভারের রূপে স্ক্রাম মাস্টার (THE SCRUM MASTER AS AN IMPEDIMENT REMOVER)

একজন বাধা অপসারক বা ইমপেডিমেন্ট রিমুভার হিসেবে স্ক্রাম মাস্টার নিজের টিমকে সাহায্য করে। স্ক্রাম মাস্টাররা চেষ্টা করে টিমের সামর্থ্য বাড়াতে যাতে তারা নিজেরাই সমস্যার সমাধান করে ফেলতে পারে। টিমকে এটা শিখতে হয়, আর স্ক্রাম মাস্টার তাদের সেই শিক্ষা বাড়াতে সাহায্য করে। প্রথম স্প্রিন্টে যা বাধা হিসেবে বিবেচিত হয়, ভবিষ্যতের কোনও স্প্রিন্টে হয় তো টিম নিজেই সেই সমস্যার সমাধান করে ফেলতে সমর্থ হয়। সুতরাং, বাধা বা ইমপেডিমেন্ট হল সেই জিনিস, যা স্ক্রাম টিমের (স্প্রিন্ট/প্রোডাক্ট) গোলার অভিমুখে অগ্রগতির পথে বাধা সৃষ্টি করে এবং টিমের স্ব-চালিত সামর্থ্যের পক্ষে তার সমাধান করা সম্ভব হয়ে ওঠে না।



স্ক্রাম মাস্টারকে যে সব ইমপেডিমেন্টের সমাধান খুঁজতে হয়, তা সময়ের সাথে সাথে বদলায়। সাধারণভাবে স্ক্রাম টিম স্ক্রাম বোঝা এবং স্ক্রাম টিম গড়ার সাপেক্ষে একাধিক ইমপেডিমেন্ট বা সমস্যা নিয়ে শুরু করে। যখন তাদের বেশির ভাগ ইমপেডিমেন্টের সমাধান পাওয়া যায়, তখন আসে টেকনোলজি সংক্রান্ত সমস্যা। যখন সেগুলোর সমাধান হয়, মান শৃঙ্খল বা ভ্যালু চেনের মধ্যে (সংলগ্ন প্রসেস) সংস্থার সমস্যাগুলো মাথা চাড়া দিয়ে ওঠে (যেমন কিউএ সমস্যা, রিকোয়ারমেন্ট ইঞ্জিনিয়ারিংএর সমস্যা, ডিলিভারমেন্ট, ...)। আর যখন পুরো ভ্যালু চেন স্ক্রামের সাথে খাপ খাইয়ে নেয়, তখন ভ্যালু চেনের বাইরে প্রক্রিয়াগত সমস্যাগুলোর সম্মুখীন হতে হয় (যেমন বাজেটিং, কেরিয়ারের পথ, স্ট্র্যাটেজি প্রক্রিয়া, ...)।

সুতরাং, শুরুর দিকে, একজন স্ক্রাম মাস্টারকে তার টিমের সাথে বেশির ভাগ সময় কাটাতে হয়। টিম যত অভিজ্ঞ হয়, তত স্ক্রাম মাস্টার সংস্থার জন্য বেশি সময় ব্যয় করতে শুরু করে। আর এটা ঘটে

সম্পূর্ণভাবে স্ক্রাম মাস্টারের তিন স্তরের সংযোগের সাথে সামঞ্জস্য রেখে: টিম, অন্যান্য টিমের সাথে সম্পর্ক, আর বৃহত্তর সংস্থা।

নোট: ইমপেডিমেন্ট পিরামিড Scrum.org ট্রেনার [Dominik Maximini](#)র উপস্থাপনা।

প্রশিক্ষক/কোচের রূপে স্ক্রাম মাস্টার (THE SCRUM MASTER AS A COACH)

একজন কোচ হিসেবে, সঠিক প্রশ্ন করা এবং অভিজ্ঞতালব্ধ প্রক্রিয়া বা এম্পিরিক্যাল প্রসেসের দিকে দৃষ্টি আকর্ষণ করার মাধ্যমে একজন স্ক্রাম মাস্টার টিমকে উন্নত হয়ে উঠতে সাহায্য করে। স্ক্রাম মাস্টার টিমের সদস্যদের প্রত্যেককে মানসিকতা এবং আচরণের বিষয়ে, স্ক্রাম টিমগুলোকে নিরন্তর উন্নতিসাধন বা কন্টিন্যুয়াস ইমপ্রুভমেন্টের বিষয়ে, এবং বৃহত্তর সংস্থাকে কার্যকরীভাবে স্ক্রাম টিমগুলির সাথে সংযোগ স্থাপনের বিষয়ে কোচ করতে



থাকে। স্ক্রাম মাস্টার এটা বোঝে যে কোচিং মানে শুধু টিপস এবং ট্রিকস বলে দেওয়া নয়, বরং কোচিং মানে টিমগুলোকে তাদের নিজেদের সমস্যার সমাধান নিজেই খুঁজে বের করতে সাহায্য করা। সেইজন্যে, সঠিক সময়ে সঠিক প্রশ্ন করার দক্ষতা অর্জন করা স্ক্রাম মাস্টারের জন্য গুরুত্বপূর্ণ।

শক্তিশালী প্রশ্ন করার আদর্শ সময় হল স্ক্রাম ইভেন্টগুলি। তোমাদের অনুপ্রেরণা দেবার জন্য আমি সম্ভাব্য একগুচ্ছ প্রশ্ন, তোমাদের সাথে শেয়ার করব। প্রতিটি স্ক্রাম ইভেন্টের জন্য তিনটে করে প্রশ্ন। এই প্রশ্নগুলি আমাদের কার্ড ডেক “[৫০ পাওয়ারফুল কোশ্চেনস](#)” কার্ড ডেকের অংশ, যা টিমগুলিকে তাদের দীর্ঘস্থায়ী সমস্যাগুলির নিজস্ব সমাধান খুঁজে পেতে সহায়তা করে।

স্প্রিন্ট প্ল্যানিংয়ের জন্য কোচিং প্রশ্নঃ

- “এই স্প্রিন্ট গোল নিয়ে কাজ করার সময়ে কী ঘটতে হবে, যা সেলিব্রেট করার মত কারণ হতে পারে?”
- “যদি আমরা পরের স্প্রিন্টটা বাতিল করে ছুটি কাটাতে চলে যাই, তবে আমাদের অনিবার্যভাবে কী হারাবে বা পরে আরও কঠিন হয়ে দাঁড়াবে?”
- “স্প্রিন্ট গোল অর্জন করার মাধ্যমে স্টেকহোল্ডারের দৃষ্টিকোণ থেকে সুনির্দিষ্টভাবে কী পরিবর্তন বা উন্নতি ঘটানো হয়েছে?”

ডেইলি স্ক্রামের জন্য কোচিং প্রশ্নঃ

- “আমাদের বর্তমান কাজের সবথেকে বড় বাধা কী? সেটা দূর করার জন্য আমরা আজ কী করতে পারি?”
- “কেন আমরা এই আইটেমটি সম্পূর্ণ করতে পারছি না? কোথায় আমাদের সাহায্য দরকার?”
- “নতুন কিছু কাজ তোলার পরিবর্তে, তুমি কীভাবে অন্যদের শুরু হওয়া কাজ শেষ করতে সাহায্য করতে পারো?”

স্প্রিন্ট রিভিউয়ের জন্য কোচিং প্রশ্নঃ

- “কীভাবে জানবে যে এই সমস্যাটি ঘটেছে?”
- “কীভাবে এই সমস্যার সমাধানে কার্যকরী অবদান রাখবে?”
- “এমন কাউকে কি চেনো যে প্রায়ই এই সমস্যার সমাধান করতে এবং বাধাগুলি হটাতে সক্ষম? তাদের কোন আচরণ বা অনুশীলন তাদের সাফল্যকে সম্ভব করে তুলেছে?”

স্প্রিন্ট রет্রোস্পেকটিভের জন্য কোচিং প্রশ্নঃ

- “কী ঘটে যখন আমাদের বিশ্বাস ভুল প্রমাণিত হয়?”
- “কোথায় তোমার বিশ্বাস সুনিশ্চিত প্রমাণিত হয়?”
- “কী ঘটলে তুমি তোমার বিশ্বাস থেকে সরে আসবে?”

ব্যাকলগ রিফাইনমেন্টের জন্য কোচিং প্রশ্নঃ

- “এই আইটেমটি পরে ইমপ্লিমেন্ট করে এর কোন গ্রহণযোগ্যতার মাপকাঠি (Acceptance Criteria) আমরা এড়িয়ে যেতে পারি?”
- “এই আইটেমটি ইমপ্লিমেন্ট করার ন্যূনতম এবং সহজতম উপায়টি কী?”
- “যদি আমাদের এই আইটেমটি মাত্র একদিনের মধ্যে ইমপ্লিমেন্ট করতে হয়, তা হলে আমরা সবার প্রথমে কী নিশ্চিত করার দিকে ফোকাস করব? পরে কী করা যেতে পারে?”

মার্গদর্শক/মেন্টর রূপে স্ক্রাম মাস্টার (THE SCRUM MASTER AS A MENTOR)

একজন মেন্টর বা মার্গদর্শক হিসেবে, স্ক্রাম মাস্টার তার টিমকে মেন্টরশিপের মাধ্যমে বা তাদের জন্য উপযুক্ত মেন্টর খুঁজে দিয়ে তাদের উন্নত হতে সাহায্য করে। কোচিং আর মেন্টরিংয়ের মধ্যে একটি গুরুত্বপূর্ণ পার্থক্য হল, কোচ নিজের অভিজ্ঞতা এবং জ্ঞানের চেয়ে, যাদের কোচ করা হচ্ছে, তাদের অভিজ্ঞতা এবং জ্ঞানের ভিত্তিতে কাজ করে। অন্যদিকে, একজন মেন্টর সক্রিয়ভাবে তার নিজের পেশাগত অভিজ্ঞতা এবং উপলব্ধ জ্ঞানের ওপর নির্ভর করে মেন্টিকে (যাকে মেন্টর করা হচ্ছে) তা থেকে শিখতে সাহায্য করে। কোচিং এবং মেন্টরিং – প্রতিটি দিকই প্রয়োজনীয় এবং তারা তাদের নিজেদের সীমানার মধ্যেই শক্তিশালী হতে পারে।


স্ক্রাম মাস্টার অবশ্যই টিমের প্রতিটি সদস্যের জন্য আদর্শ মেন্টর নয়। আগেই উল্লেখ করা হয়েছে, মেন্টরের কোনও নির্দিষ্ট বিষয়ের ওপর সুগভীর জ্ঞান এবং অভিজ্ঞতা থাকা আবশ্যিক। হতেই পারে, টিমেরই কোনও এক সদস্য বা টিমের বাইরের কেউ টিমের জন্য আদর্শ মেন্টর হিসেবে বিবেচিত হন। একজন অভিজ্ঞ স্ক্রাম মাস্টারের সম্ভাব্য ছাত্র-মেন্টর সম্পর্ক চিনে নেবার জন্য সজাগ নজর থাকে এবং সে জানে কীভাবে সেই সম্পর্ককে স্থাপন করতে হয়। সমস্তই ঘটে একটি দুর্দান্ত টিম গঠনের উদ্দেশ্যে এবং টিমের সদস্যদের ব্যক্তিগত উন্নতি সাধনে সহায়তা করার উদ্দেশ্যে।

এই নিবন্ধে, আমি স্ক্রাম মাস্টারদের জন্য লিবারেটিং স্ট্রাকচারের মান ব্যাখ্যা করেছি। লিবারেটিং স্ট্রাকচার স্ক্রাম মাস্টারদের তাদের পছন্দসই অবস্থান অনুযায়ী তাদের ভূমিকা পালন করতে সহায়তা করে। যদি মেন্টরশিপ নিয়ে টিমের মধ্যে কাজ করতে চাও, তবে ইউএক্স ফিশবোল, ওয়াইজ ক্রাউডস বা কনভার্সেশন কাফে স্ট্রাকচারগুলি নিয়ে বিবেচনা করতে পারো। সমস্ত স্ট্রাকচারই (স্ক্রাম) অনুশীলনকারীদের একে অপরের সাথে শেখা অভিজ্ঞতা এবং জ্ঞান আদানপ্রদান করতে উৎসাহিত করে। এই স্ট্রাকচারগুলির মাধ্যমে, তোমাকে নিজেকে আর মেন্টরশিপ করতে হয় না, বরং মেন্টরশিপকে নিজেকেই তার শিকড় খুঁজে নিতে সাহায্য করো।



ফেসিলিটেটর রূপে স্ক্রাম মাস্টার (THE SCRUM MASTER AS A FACILITATOR)

ফেসিলিটেটর হিসেবে, স্ক্রাম মাস্টার স্ক্রামের এম্পিরিকাল প্রসেসের মাধ্যমে টিমকে তাদের কাজে স্বচ্ছতা (Transparency) আনতে, তাদের অগ্রগতি নিয়মিত পর্যবেক্ষণ (Inspection) করতে এবং নতুন ফলাফলের সাহায্যে তাদের কাজকে অভিযোজিত (Adaptation) করতে সাহায্য করে। এম্পিরিকাল প্রসেস নিয়ন্ত্রণ করার জন্য স্ক্রাম ফ্রেমওয়ার্ক তিনটি স্তম্ভ ব্যবহার করে:



স্বচ্ছতা (Transparency): তুমি তথ্য সংগ্রহ করো – যেমন মেট্রিক্স, ফীডব্যাক এবং অন্যান্য অভিজ্ঞতা – যা কী হচ্ছে তা বুঝতে সাহায্য করে

পর্যবেক্ষণ (Inspection): সবাইকে সঙ্গে নিয়ে তুমি অগ্রগতি পর্যবেক্ষণ করো এবং তোমাদের উন্নতির জন্য এগুলো কীভাবে কাজে লাগবে তা নির্ধারণ করো

অভিযোজন (Adaptation): তুমি এমন কিছু পরিবর্তন করো যা তোমাকে উন্নতির দিকে নিয়ে যাবে বলে তুমি আশা করো;

এই চক্রটি যতবার প্রয়োজন, ততবার পুনরাবৃত্ত হতেই থাকে, যার দ্বারা কোনও বিদ্যুতি, অপ্রত্যাশিত আবিষ্কার, এবং সম্ভাব্য সুযোগগুলি কাজ এগোবার সাথে সাথে সামনে এসে ধরা দেয়। এমন নয় যে এটি বছরে একবারই পুনরাবৃত্ত হয় বা প্রজেক্ট শেষ হবার সময়ে হয়, এটি ঘটে দৈনিক, সাপ্তাহিক বা মাসিক ভিত্তিতে। সম্ভাব্য ভবিষ্যতের বিষয়ে অনুমানের ভিত্তিতে সিদ্ধান্ত নেওয়ার বদলে, এই পর্যন্ত সংগৃহীত তথ্যের ভিত্তিতে তুমি সিদ্ধান্ত নিচ্ছে। এটাই অভিজ্ঞতাবাদ (Empiricism)। আর স্ক্রাম মাস্টার এটাকেই ফেসিলিটেট করে। সুতরাং, যে সব প্রশ্ন স্ক্রাম মাস্টার নিরন্তর নিজেকেই করতে থাকে, সেগুলি হল:

- “আজ আমি কোন বিষয়টিকে স্বচ্ছ বা পরিষ্কৃত করে তুলতে পারি?”
- “আমি কীভাবে টিমকে কার্যকরী পর্যবেক্ষণ করতে সাহায্য করতে পারি?”

- “পর্যবেক্ষণকে অভিযোজনে পরিণত করার ক্ষেত্রে আমি কীভাবে টিমকে সাহায্য করতে পারি?”

ফেসিলিটেটর হিসেবে, স্ক্রাম মাস্টাররা তাদের টিমকে তাদের উদ্দেশ্যগুলি বুঝতে এবং অর্জন করতে সাহায্য করে সমন্বয় সাধনের মাধ্যমে, প্রক্রিয়ার উন্নতিসাধনের মাধ্যমে এবং সহযোগিতার মাধ্যমে। তারা সবাইকে সর্বোত্তম চিন্তাপ্রক্রিয়ায় অংশ নিতে সাহায্য করে, পক্ষ না নেওয়ার চেষ্টা করে, এবং আকর্ষক কর্তৃত্ব দেখায়। স্ক্রাম মাস্টার স্টেজ সেট করে দেয়, স্পষ্টভাবে সীমানা নির্দেশ করে দেয় যার মধ্যে টিম পারস্পরিক সহযোগিতার মাধ্যমে তাদের আইডিয়াগুলিকে নিয়ে আলোচনা করতে পারে। এগুলি ফেসিলিটেট করার জন্য সহজতম উপলক্ষ্য হল স্ক্রাম ইভেন্টগুলি, তাও শুধুমাত্র যখন স্ক্রাম টিম ফেসিলিটেট করতে অনুরোধ করবে, তখন।


যখনই স্ক্রাম মাস্টার একজন ফেসিলিটেটর হিসেবে কাজ করে, সে সবসময়েই স্ক্রাম ভ্যালুগুলিকে মনে রেখে সেই কাজ করবে, কারণ স্ক্রাম ভ্যালুগুলি বিশ্বাস (Trust) গড়তে সাহায্য করে। এবং অভিজ্ঞতাবাদের ভিত্তিতে কাজ করা আর স্ক্রামের স্তম্ভগুলির মজবুত ভিত তৈরি করার জন্য বিশ্বাস জিনিসটা জরুরি। সেইজন্যে, স্ক্রাম টিমের অংশ নয় এমন লোকেদের (এবং টিমও সেই লোকেদের সেখানে দেখতে চায় না) স্প্রিন্ট রেট্রোস্পেকটিভ থেকে বের করে দেবার সাহস (Courage) দেখান। উন্মুক্ততাকে (Openness) উৎসাহ দেবার জন্য স্প্রিন্ট রিভিউকে এমনভাবে ফেসিলিটেট করো, যাতে তা প্রোডাক্টের সঠিক অবস্থাকে স্বচ্ছভাবে দেখায়। স্প্রিন্ট প্ল্যানিংকে এমনভাবে ফেসিলিটেট করো যাতে টিম একটি স্প্রিন্ট গোল সংজ্ঞায়িত করে, যা টিমকে লক্ষ্যস্থির (Focus) করতে এবং পরিমাপযোগ্য কিছু তৈরি করতে প্রতিশ্রুতিবদ্ধ (Committed) করায়।

এটা বোঝা দরকার যে ফেসিলিটেশন স্ক্রাম ইভেন্টের বাইরেও করা যায়। অবশ্যই, স্ক্রাম ইভেন্টগুলি স্ক্রাম মাস্টারের ফেসিলিটেশনের জন্য শক্তিশালী সুযোগ হতে পারে। কিন্তু টিম যত বেশি অভিজ্ঞতা সঞ্চয় করে, স্ক্রাম মাস্টার তত কম এইসব ইভেন্টে নিজেকে জড়ায়। সাধারণভাবে, স্ক্রাম মাস্টার পুরো সংস্থায় স্বচ্ছতা, পর্যবেক্ষণ এবং অভিযোজনের প্রক্রিয়াটি উন্নত করার কাজে ফেসিলিটেট করে। আবারও, এর জন্য স্ক্রাম মাস্টারকে একাধিক স্তরে কাজ করতে হয়, যা দীর্ঘস্থায়ী বাধাগুলিকে দূর করার জন্য প্রয়োজনীয়ও বটে।

চেঞ্জ এজেন্ট রূপে স্ক্রাম মাস্টার (THE SCRUM MASTER AS A CHANGE AGENT)

একজন চেঞ্জ এজেন্ট হিসেবে, স্ক্রাম মাস্টার তার সংস্থাকে সার্বিকভাবে স্ক্রামের সাথে আরও কার্যকরভাবে যুক্ত হবার বিষয়ে সাহায্য করে। স্ক্রাম মাস্টাররা সংস্থাকে সেই পরিবেশে নিয়ে যাবার জন্য উপযুক্ত লোক যেখানে স্ক্রাম সুন্দরভাবে পরিচালিত হয়। কাজের সবচেয়ে বুনিনাদি শুরু – স্ক্রাম টিমগুলিতে – কী ঘটছে তারা সেটা দেখতে পায় দৈনিক ভিত্তিতে। স্ক্রাম মাস্টার অন্যান্য স্ক্রাম টিম, ডিপার্টমেন্ট এবং ম্যানেজারদের সাথে কথোপকথন শুরু করতে পারে। সে এইচআর, ফাইন্যান্স, এবং সেলস ডিপার্টমেন্টের লোকজনদের সাথে সহযোগিতা করে এবং একসাথে টিমের অগ্রগতির পথে বাধাস্বরূপ যে কোনও সমস্যা অপসারণ করার চেষ্টা করে। স্ক্রাম মাস্টার, সাধারণভাবে, স্ক্রাম টিমের দৃষ্টিকোণ থেকে সাংগঠনিক প্রক্রিয়াকে প্রভাবিত করার জন্য প্রয়োজনীয় নেতৃত্ব দেয়।

চেঞ্জ এজেন্ট হিসেবে স্ক্রাম মাস্টার তার কাজকে আরও দৃশ্যমান করে তোলে। স্ক্রাম মাস্টাররাই জানে কীভাবে স্থিতিাবস্থার পরিবর্তন ঘটিয়ে আরও উপযুক্ত পরিবেশ সৃষ্টি করতে সাহায্য করা যায়। তারা জানে কখন বিঘ্ন ঘটতে হয় আর কখন যত্নশীল হতে হয়। তারা জানে সংস্থার পরিবর্তন ঘটতে দীর্ঘ সময় নেয়। যাই হোক, তাদের পরিবর্তনের ইচ্ছা সংস্থাকে এগিয়ে নিয়ে যাবার পক্ষে অনুঘটক হিসেবে কাজ করে। স্ক্রামের মূল ক্ষমতা হল বিভিন্ন বাধা এবং সমস্যাকে দৃশ্যমান করে তোলা, অভিজ্ঞ স্ক্রাম মাস্টাররা সংস্থার মধ্যে এই সমস্ত সমস্যার সত্যিকারের সমাধানের উদ্দেশ্যে একটি উপযুক্ত পরিবেশ গড়ে তোলে। সবকিছুই করা হয় এমন একটি পরিবেশ তৈরির উদ্দেশ্যে যেখানে স্ক্রাম টিমগুলি নির্বিঘ্নে আরও ভালোভাবে তাদের কাজ করতে পারে।



Created by Thea Schukken for the Zombie Scrum Survival Guide
by Christiaan Verwijs, Johannes Schlatte & Barry Oosteen
zombiescrum.org

কেন স্ক্রাম মাস্টার সর্বদাই একজন সার্ভেন্ট লিডার? (WHY THE SCRUM MASTER IS ALWAYS A SERVANT LEADER?)

তো, আমি কেন সার্ভেন্ট লিডারকে আর বৈধ রূপ বলে মনে করছি না? এজন্য নয় যে স্ক্রাম গাইড সার্ভেন্ট লিডারশিপকে বদলে ট্রু লিডারশিপ করে দিয়েছে। এর কারণ হল সার্ভেন্ট লিডারশিপ এমন কোনও রূপ নয় যা তুমি কখনো কখনো পালন করো। স্ক্রাম মাস্টার হিসেবে সার্ভেন্ট লিডারের মানসিকতা এবং আচরণ তোমার মধ্যে সবসময়ে বিদ্যমান থাকা উচিত, তা সে যে ভূমিকাই তুমি পালন করো না কেন। সার্ভেন্ট লিডার হিসেবেই তুমি শিক্ষক, ফেসিলিটের, কোচ, মেন্টর, বাধা অপসারক এবং চেঞ্জ এজেন্ট।

অতএব, নিজেকে আকর্ষণের কেন্দ্রবিন্দু বানানোর বদলে, তুমি অন্যদের যথাসম্ভব কার্যকরী হতে সাহায্য করো। তাদের কী করতে হবে বা কীভাবে করতে হবে, এইসব বলে তুমি টিমকে ম্যানেজ করো না বা নেতৃত্ব দাও না। শুধুমাত্র যখন কোনও সিদ্ধান্ত টিমের এম্পিরিকাল প্রক্রিয়ার ওপর বিরূপ প্রভাব ফেলে অথবা এমন পরিস্থিতি যেখানে টিম নিরাপদে তাদের ব্যক্তিস্তরীয় ঝুঁকি নিতে পারবে, শুধুমাত্র সেইখানেই তুমি মজবুত অবস্থান নেবে।

স্ক্রাম মাস্টার যেভাবে সার্ভেন্ট লিডারশিপ দেখাতে পারে ...

- সমস্যার সমাধান নিজে না করে বরং এমন প্রশ্ন করো যা টিমের সদস্যরা নিজেই তার সমাধান খুঁজে পেতে উৎসাহী হয়;
- সমস্যা, ব্যক্তিগত ইস্যু অথবা উদ্বেগ সম্পর্কে খোলাখুলি নিজের দুর্বলতা (Vulnerability) দেখালে অন্যরাও দ্বিধা কাটিয়ে খোলামেলা হতে পারে;
- একটি নিরাপদ পরিবেশ তৈরি করে, যেখানে গঠনমূলক মতবিরোধকে উৎসাহ দেওয়া হয় এবং টিমের দ্বন্দ্বকে উন্নতিবৃদ্ধির সুযোগ হিসেবে বিবেচনা করা হয়। তবে প্রয়োজনমত স্ক্রাম প্রক্রিয়া আর টিমের স্বাস্থ্য সুরক্ষিত রাখতে হস্তক্ষেপ করাও যায়।

স্ক্রাম মাস্টার নিজে উদাহরণ দ্বারা, সম্মান দ্বারা এবং সংস্থাকে প্রভাবিত করার মাধ্যমে নেতৃত্ব দেয় যাতে স্ক্রাম টিমের কার্যকারিতা বৃদ্ধি পায়। স্ক্রাম মাস্টার সাহস এবং প্রতিশ্রুতিবদ্ধতা ভ্যালুগুলির মাধ্যমে নেতৃত্ব দেয়, আবার সময়বিশেষে একগুঁয়েমির মাধ্যমেও। সুগভীর বিশ্বাস রাখায় এবং সংস্থায় পরিবর্তন আনার অভিপ্রায়ে একগুঁয়েমি।

সার্ভেন্ট লিডারশিপ স্ক্রাম মাস্টার রোলের মেরুদণ্ড-বিশেষ। এর দর্শন এবং অনুশীলন টিমের একসাথে কাজ করার ক্ষমতা, সদস্যদের ব্যক্তিগত বিকাশ বৃদ্ধি হওয়া এবং টিকে থাকার মত পরিবেশ সৃষ্টি করে। সার্ভেন্ট লিডার হিসেবে, স্ক্রাম মাস্টার টিমকে স্ক্রাম ভ্যালুগুলি – সাহস, গোপনীয়তাহীনতা, সম্মান, স্থির লক্ষ্য এবং প্রতিশ্রুতিবদ্ধতার অনুশীলন করতে এবং তাদের সম্পূর্ণ ক্ষমতা উপলব্ধি করতে সাহায্য করে।



কেন ম্যানেজার আর একটি রূপ নয়? (WHY MANAGER ISN'T A STANCE ANYMORE?)

“ম্যানেজমেন্ট” আর “ম্যানেজার” শব্দদুটি আলাদা। ম্যানেজমেন্ট একটি অ্যাক্টিভিটি বা কার্যকলাপ, আর ম্যানেজার একটি রোল। ‘ম্যানেজমেন্ট’, কার্যকলাপ হিসেবে সর্বদাই সংস্থার মধ্যে বিদ্যমান থাকে। ‘ঐতিহ্যবাহী’ সংস্থার সাথে এর পার্থক্য, এখানে ম্যানেজমেন্টের কাজ যেভাবে করা হয়ে থাকে, তার ভিত্তিতে নির্ণয় করা হয়। অ্যাজাইল সংস্থায় ম্যানেজমেন্ট একটি ‘অনুভূমিক’ বা Horizontal অ্যাক্টিভিটি হিসেবে পরিচালনা করা হয়, আর ঐতিহ্যবাদী সংস্থা পছন্দ করে ‘উল্লম্ব’ বা Vertical পদ্ধতি।



স্টিভেন ডেনিংস তাঁর আর্টিকল “[Why do managers hate Agile](#)”-এ লিখেছেন; যে সংস্থাগুলি ‘উল্লম্ব’ ম্যানেজমেন্ট ব্যবহার করে, সেখানে প্রতিটি ব্যক্তি পদোন্নতির প্রতিযোগিতায় মাতেন।

ম্যানেজাররা টাস্ক বরাদ্দ করেন, ম্যানেজাররা কর্মদক্ষতার মূল্যায়ন করেন, এবং যোগাযোগের গতিমুখ ও পর থেকে নিচের দিকে বয়। মূল উদ্দেশ্য থাকে শেয়ারহোল্ডারদের জন্য অর্থ উপার্জন করা। ‘অনুভূমিক’ ম্যানেজমেন্ট কাজ করে তার গ্রাহকদের খুশি করার লক্ষ্যে। অর্থ উপার্জন হয় তার পরিণাম, সেটা মূল লক্ষ্য নয়। এটি মানুষকে নিয়ন্ত্রণ করার পরিবর্তে সক্ষম করতে সাহায্য করে, উদ্ভাবনশক্তিকে উদ্দীপিত করে, আর অনুভূমিক যোগাযোগ ব্যবস্থার প্রতি মনোযোগ দেয়।

স্ক্রামকে একটি সম্ভাব্য ফ্রেমওয়ার্ক হিসেবে ধরে যে সংস্থাগুলি অ্যাজাইল অনুসরণ করে, তারা অনুভূমিক ম্যানেজমেন্ট প্রয়োগ করে। এই সংস্থাগুলির মধ্যে টিমগুলি নিজেরাই নিজেদের ম্যানেজ করে। তারা তাদের নিজেদের কাজের বিষয়ে সিদ্ধান্ত নিজেরাই নেয় এবং সেগুলি নিজেরাই ম্যানেজ করে। টিমের সদস্যরা একাত্মভাবে পরস্পরের সাথে সহযোগিতা করে, তারা জানে, যদি সবাই নিজের নিজের অংশে সফল না হয়, তা হলে কেউই সামগ্রিকভাবে সফল হতে পারবে না। টিমগুলি প্রোডাক্ট-, স্প্রিন্ট- এবং রিলিজ গোলার মাধ্যমে তাদের নিজেদের মধ্যে একটি সাধারণ উদ্দেশ্য (Purpose) ভাগ করে নেয়।

অনুভূমিক ম্যানেজমেন্টের সাথে স্ক্রাম টিমের তুলনা করতে গেলে, স্ক্রাম টিমকে ম্যানেজারে পরিপূর্ণ একটি টিম হিসেবে দেখা যেতে পারে। ডেভেলপাররা স্প্রিন্ট চলাকালীন তাদের কাজ এবং প্রোডাক্ট ইনক্রিমেন্টের গুণমান ম্যানেজ করে। প্রোডাক্ট ওনার ম্যানেজ করে প্রোডাক্ট ভিশন, রোডম্যাপ এবং রিটার্ন-অন-ইনভেস্টমেন্ট। আর স্ক্রাম মাস্টার স্ক্রাম প্রক্রিয়া এবং টিমের স্ব-পরিচালনার পরিপন্থী বাধাগুলি ম্যানেজ করে। অর্থাৎ, ম্যানেজমেন্ট স্ক্রামের একটি অবিচ্ছেদ্য অংশ। তিনটি অ্যাকাউন্টেবিলিটির মধ্যেই এটি ভাগ করা থাকে।

তো, আমি কেন স্ক্রাম মাস্টারের রূপ হিসেবে ‘ম্যানেজার’কে বাদ দিলাম? এইজন্য নয় যে এটা ভুল রূপ। বরং এইজন্য, যে এটি অত্যন্ত বেশি বিভ্রান্তি তৈরি করছিল এবং খুব একটা কাজে লাগছিল না। স্ক্রাম মাস্টারের বিভিন্ন রূপের বিষয়ে আমার দৃষ্টিভঙ্গী সবার সাথে ভাগ করে নেবার উদ্দেশ্য ছিল যাতে সকলে এই রোলটি আরও ভালো করে বুঝতে পারে। আদর্শগতভাবে, এটি সংস্থাগুলিকে রোলটি বুঝতে সত্যিকারের সাহায্য করে এবং স্ক্রাম মাস্টারকে উদ্বুদ্ধ করে আরও কার্যকরীভাবে এই রোলে কাজ করতে। বিগত কয়েক বছরে আমি লক্ষ্য করেছি যে ‘ম্যানেজার’ রূপটির কোনও প্রত্যাশিত প্রভাব নেই। কিছু লোক এমনকি এই রূপের মাধ্যমে স্ক্রাম মাস্টারের রোলটিকে টিমের ক্যাপ্টেন, বা টিম লিড হিসেবে দেখার কারণ হিসেবে বিবেচনা করছিল, যা রূপটির বর্ণনা করার সময়ে কখনো আমার মনে আসে নি। উপরন্তু, অন্যান্য রূপগুলোর মাধ্যমে অনেক দায়িত্ব ইতিমধ্যেই বিবৃত করা হয়ে গেছিল। উদাহরণস্বরূপ, স্ক্রাম প্রক্রিয়াকে ম্যানেজ করার উদ্দেশ্যে তুমি শিক্ষক, কোচ, মেন্টর এবং ফেসিলিটেটরের ভূমিকা পালন করো। আর বাধা ম্যানেজ করার কাজ তো স্ক্রাম মাস্টার অবশ্যই করে ইমপেডিমেন্ট রিমুভারের রূপে।

আরও জানার জন্য (LEARN MORE)

যদি এই পেপারটি স্ক্রাম মাস্টার রোল সম্বন্ধে আরও জানার জন্য তোমার ইচ্ছা বাড়িয়ে থাকে, তা হলে এখানে পড়ার, শোনার বা করার জন্য কয়েকটি জিনিসের একটা তালিকা দেওয়া রইল।

নিবন্ধসমূহ

- [পাঁচটি জিনিস যা প্রত্যেক প্রারম্ভিক স্ক্রাম মাস্টারের জানা উচিত](#)
- [স্ক্রাম মাস্টারের সাফল্য কীভাবে মাপা যায়?](#)
- [রিমোট স্ক্রাম মাস্টার হবার কৌশলসমূহ](#)

পডকাস্টসমূহ

- [কেন মানসিক নিরাপত্তা \(Psychological Safety\) তোমার টিমের কার্যকারিতা বাড়ায়?](#)
- [স্ক্রাম মাস্টারের সাফল্য কীভাবে আসে?](#)
- [স্ক্রাম মিথবাস্টার্স: স্ক্রাম মাস্টার আসলে একজন জুনিয়র অ্যাজাইল কোচ](#)

দ্য লিবারেটর্স নেটওয়ার্ক

[দ্য লিবারেটর্স নেটওয়ার্ক](#) হল ২৫+ স্থানীয় ব্যবহারকারী গোষ্ঠীর একটি বিশ্বব্যাপী সম্প্রদায় যা স্ক্রাম, অন্যান্য অ্যাজাইল পদ্ধতি এবং লিবারেটিং স্ট্রাকচারের অনুশীলনকারীদের সমর্থন পেতে, সাহায্য করতে এবং অনুপ্রাণিত করতে সাহায্য করে। আমরা পারস্পরিক অনুপ্রেরণার শক্তিতে বিশ্বাস করি যার দ্বারা আমরা অকার্যকরী কর্মপদ্ধতির থেকে টিমকে মুক্ত করার প্রয়াসে মুখোমুখি হওয়া চ্যালেঞ্জগুলিকে অতিক্রম করি।

প্রোফেশনাল স্ক্রাম মাস্টার II ক্লাস

অন্য বিকল্পটি হল আমার পাবলিক [Scrum.org PSM II](#) ক্লাসে যোগ দেওয়া। আমি একটি অনন্য, চোখ-খুলে-দেওয়া অভিজ্ঞতার গ্যারান্টি দিই যা ১০০% পাওয়ারপয়েন্ট-মুক্ত, ভীষণভাবে আলোচনাসমৃদ্ধ এবং সিরিয়াস কিন্তু মজাদার। এই ক্লাসটি তোমাকে স্ক্রামে অভিজ্ঞতাবাদ বুঝতে এবং কীভাবে তা জটিল সমস্যার সমাধান করে তা বুঝতে সাহায্য করে। আর তুমি শিখবে স্ক্রামের প্রিন্সিপল আর ভ্যালুর গুরুত্ব, তারা কীভাবে কার্যকরী স্ক্রামের জন্য পরিবেশ গড়ে তুলতে সাহায্য করে, আর স্ক্রাম মাস্টার এটিকে গড়ে তোলার জন্য কী করতে পারে।

